

ՀԱՇՎԵՏՎՈՒԹՅՈՒՆ

**Արդարադատության նախարարության հակակոռուպցիոն քաղաքականության
մշակման և մոնիթորինգի վարչության
մոնիթորինգի բաժնի պետ Տաթևիկ Խաչատրյանի՝ Ավստրիայի
Հանրապետություն (Վիեննա) գործուղման արդյունքների վերաբերյալ**

Անունը, ազգանունը, զբաղեցրած պաշտոնը՝ Տաթևիկ Խաչատրյան,
Արդարադատության նախարարության հակակոռուպցիոն քաղաքականության
մշակման և մոնիթորինգի վարչության մոնիթորինգի բաժնի պետ:

Գործուղման վայրը և ժամկետները՝ Ավստրիայի Հանրապետություն
(Վիեննա), 2025 թվականի օգոստոսի 31-ից մինչև սեպտեմբերի 6-ը:

Հրավիրող կողմը՝ ՄԱԿ-ի Թմրանյութերի և հանցավորության դեմ պայքարի
գրասենյակ (UNODC):

Գործուղման նպատակը՝ մասնակցություն ՄԱԿ-ի «Կոռուպցիայի դեմ»
կոնվենցիայի (այսուհետ՝ Կոնվենցիա) անդամ երկրների կոնֆերանսի (CoSP)
Կիրարկման վերանայման խմբի (Implementation Review Group) 16-րդ նստաշրջանի
երկրորդ վերագումարվող նիստին, Ակտիվների վերականգնման (Asset Recovery)
հարցերով աշխատանքային խմբի 19-րդ նիստին և Միջազգային
համագործակցության հարցերով աշխատանքային խմբի 14-րդ նիստին:

Քննարկված թեմաները՝ Կոնվենցիայի կիրարկման վերանայման
մեխանիզմի գործունեությունը, Կոնվենցիայի կատարման կարգավիճակը.
տեղեկատվության, կիրառվող մեթոդների և կոնվենցիայի կատարման ընթացքում
ձեռք բերված փորձի փոխանակում, Կոնվենցիայի շրջանակում տրամադրված
տեխնիկական աջակցություն, իրական շահառուների վերաբերյալ տեղեկատվության
շրջանակում լավագույն փորձը և մարտահրավերները կոռուպցիոն բնույթի

հանցագործությունները բացահայտելու և կանխարգելելու, ինչպես նաև ակտիվների վերադարձը և վերականգնումը հեշտացնելու նպատակով:

Հանդիպումները, ելույթները, բարձրացված կամ քննարկված հարցերը.

Կոնվենցիայի կիրարկման վերանայման խմբի (IRG) նիստին Տաթևիկ Խաչատրյանը ներկայացրել է Կոնվենցիայով սահմանված պարտավորությունների շրջանակում Հայաստանի Հանրապետությանը տրված հանձնարարականների կատարման ընթացքը և դրանց ուղղությամբ արձանագրված ձեռքբերումները՝ Կիրարկման վերանայման մեխանիզմի երկրորդ շրջափուլի ՀՀ վերաբերյալ զեկույցի ընդունումից ի վեր՝ անդրադառնալով հակակոռուպցիոն ինստիտուցիոնալ համակարգի ամրապնդմանը, բարեվարքության ստուգման մեխանիզմների շարունակական կատարելագործմանը, հակակոռուպցիոն քաղաքականության մշակման գործընթացներում ներառականության ապահովման գործող մեխանիզմներին:

Տաթևիկ Խաչատրյանը ներկայացրել է Կոնվենցիայի II և V գլխուններում ամրագրված դրույթների շրջանակներում Հայաստանի Հանրապետության ձեռքբերումները, Կոնվենցիայի կիրարկման վերանայման մեխանիզմի հաջորդ փուլի անցկացման վերաբերյալ (կառուցվածք, թեմատիկ հաջորդականություն, տեխնիկական աջակցություն) առաջարկություններ՝ պարտավորությունների գնահատման գործընթացն առավել արդյունավետ դարձնելու նպատակով:

Տաթևիկ Խաչատրյանը մասնակցել է Կոնվենցիայի կիրարկման վերանայման մեխանիզմի երկրորդ փուլի վերաբերյալ Կատարի Պետության կողմից ներկայացված բանաձևի զրոյական նախագծի շուրջ քննարկմանը, որի շրջանակում նախորդել էին ոչ պաշտոնական քննարկումներ՝ հեռավար ձևաչափով: Վերջնական բանաձևի նախագիծը քննարկվելու է սույն թվականի դեկտեմբերի 15-ից 19-ը Դոհայում (Կատարի պետություն) կայանալիք CoSP 11-րդ նստաշրջանին:

Ակտիվների վերականգման վերաբերյալ աշխատանքային խմբի քննարկումներին Տաթևիկ Խաչատրյանը ներկայացրել է ապօրինի ծագում ունեցող

գույքի բռնագանձման ինստիտուտի կատարելագործմանն ուղղված գործողությունները, որոնք նախատեսված են հակակոռուպցիոն ռազմավարության և դրա 2023-2026թթ. գործողությունների ծրագրով, ինչպես նաև ընթացիկ աշխատանքները՝ ուղղված նշյալ գործողությունների կատարման ապահովմանը:

**Հակակոռուպցիոն քաղաքականության մշակման
և մոնիթորինգի վարչության
մոնիթորինգի բաժնի պետ՝**



Տաթևիկ Խաչատրյան

09.09.2025թ.